



**PRIMEIRO
MINISTRO**

**DISKURSU SUA EXELÉNSIA PRIMEIRU-MINISTRU REPÚBLIKA
DEMOKRÁTIKA TIMOR-LESTE,
DR. RUI MARIA DE ARAÚJO,
IHA OKAZIAUN OFERESE JANTAR BA KOMEMORASAUN TINAN 40
PROKLAMASAUN INDEPENDÊNSIA NO TINAN 500 INTERASAUN
SIVILIZASAUN RUA: TIMOR-LESTE HO PORTUGAL NO AFIRMASAUN
IDENTIDADE TIMOR NIAN**

**Oe-Cusse Ambeno
Loron 27 fulan Novembro tinan 2015**

Exelénsias,

Señor Prezidente Tribunal Rekursu
Señor Vice-Prezidente Parlamentu Nasional sira hotu
Señor ex-Prezidente Repúblika Demokrátika Timor-Leste no Prémio Nobel Paz,
Dr. José Ramos-Horta
Señor ex-Prezidente Parlamento Nasional, Dr. Francisco Guterres Lu-Olo
Prezidente Autoridade Rejiaun Administrativa Espesial Oe-Cusse Ambeno, Dr.
Mari Alkatiri
Bispu D. Basílio do Nascimento, Prezidente Konferênsia Episkopal Timor-Leste
Bispu D. Norberto do Amaral, Vice-Prezidente Konferênsia Episkopal Timor-
Leste
Arcebispu Ioan Robu, Prezidente Conferênsia Episkopal Romena

Exelénsias,

Dignísimu representante sira husi Países CPLP nian
Representante sira husi Komisaun Parlamentu Nasional
Membriu Governu sira hotu
Sekretariu Ezekutivu CPLP
Representante Orgaun Soberania sira hotu
Representante Corpu Diplomátiku
Representante Konfisoens Relijiosas no Sociedade Sivil

Ilustres Konvidadus

Señoras no Señores,

Uluk nanain, hau hakarak agradese ba imi hotu ne'ebé ohin kalan hamutuk iha ne'e, fó onra boot ba maluk balun sira ne'ebé hala'o viajen naruk hodi hamutuk ho ami selebra tinan 40 Proklamasan Independénsia no tinan 500 interasaun Timor-Leste ho Portugal no afirmasaun identidade timor nian.

Palku konvíviu ba jantar ida ne'e tuir lolós hala'o iha Lifau, fatin ne'ebé iha tinan 500 liubá navegador portuges sira atraka ho sira nia ro-ahi ba dala uluk, hodi nune'e hatuur primeiru kapital Timor portugés. Tinan 1515 hanesan tinan ida ne'ebé hahú kontaktu portuges sira ho Timor-Leste, hodi nune'e lori kristianismu no relijiaun katólíka, ho mós lian no kultura, hodi habelar liu tan ita nia identidade nasional.

Nune'e, maka tinan ida ne'ebé kompleta sékulo lima kona ba sorumutu ida ne'e, simbolikamente ami eskolla loron 28 Novembru, loron ida ne'ebé ami komemora tinan 40 ami nia Proklamasan Independénsia, hodi selebra sentidu istória ida ba Timor-Leste, no ba ami nia povu, ne'ebé ami sente orgullu boot tebtebes.

Hanoin hikas fali ba iha prinsípio sékulo XV, liu tiha konkista ba iha Ceuta, hahú hala'o espansaun marítima portuges hodi hahú halo descoberta barabarak iha kontinente afrikano, nune'e maka Vasco da Gama hala'o nia viajem hodi to'o mai iha Índia no Pedro Álvares Cabral, hala'o komérsio iha oriente, nune'e maka desvia nia rota hodi hetan Brasil.

Kontinua halo nia viajen marítima ho difikuldades oin oin no tanba riku soi barak iha oriente, maka hadau Malaka, ida ne'e sai hanesan prezensa boot portuges sira nian iha

rejaun, hodi hetan potencia boot maka hala'o relasaun komersial ho Ásia Oriental, nune'e to'o mai iha Solor no Flores, ikus mai ita nia kameli ne'ebé folin boot, dada sira mai to'o iha Timor.

Portugeses no misionariu sira lori no husik hela, iha fatin barak barak, trasus linguistikus no istórikus, koñesimentus, valores no sentimentus ne'ebé hametin ona no hela metin liu tan to'o agora iha ita nia kultura, adapta no influensia ita nia formasaun no edukasaun, maka nune'e sai hanesan patrimóniu úniku Timor-Leste nian.

Hahalok tuir vestígiu sira ne'ebé maka portuges sira lori mai, habelar liu tan ita nia identidade hanesan ema timor oan, nune'e halo ita sai povu ida ne'ebé ho karaterístika ne'ebé úniku iha rejaun ida ne'e. Ita hametin liu tan ita nia identidade, ita nia kultura ho lian portuges. Ho lian portuges maka, iha Komunidade CPLP nia laran, promove identidade ita nia povu sira nian hametin liu tan ita nia amizade no solidariedade.

Ne'e ita nia identidade, sentidu komun ho valores ne'ebé ita iha, hanesan sentimentu no solidariedade hodi hatudu ba komunidade internasional no fó korajem ba ita hodi luta ba ita nia auto determinasaun, maibé monu kona-ba rai seluk sira sei deziste molok atu hahú. Ne'e mak sai hanesan identidade no kultura úniku hodi Timor-Leste luta durante tinan 24 ba nia independensia, biar independénsia ne'e proklama tiha ona iha tinan 1975.

Sékulu lima ba interasaun husi timor oan no portugeses sira kontribui hodi hari'i Timor-Leste ho base ba demokrasia, valor umanista, povu ida ne'ebé maka determinadu no líderes ne'ebé forte, maka sira nain rua bele lori país ida ne'e ba iha ambiente paz, estabilidade, seguransa, país ida ne'ebé mak ho franco kresimentu, país ida ne'ebé maka to'o ona ba iha maturidade política no lao dadaun ba iha prosesu dezenvolvimentu, no mós país ida ne'ebé hatudu ezemplu ida iha palku internasional hanesan país global.

Ho hanoin ida ne'e no tau matan ba iha futuro, ita alkansa ona progresu barak, ne'ebé maka bele sai hanesan ezemplu – atu hau la bele dada naruk – Rejaun Administrativa Especial e Zona Especial Económica Social de Merkadu Oe-Cusse Ambeno ne'e maka ohin ita iha ne'e, haboot liu tan ita nia korajem hodi kontinua servisu ba dezenvolvimentu sosial no ekonómiku ita nia povu no ita nia país.

Ida n e'e , maka ohin loron ita selebra hanesan povu, ita nia identidade, no buat ne'ebé maka ita hakarak alkansa, sai hanesan atensaun boot ida ba ita hodi bele manan sira hotu ne'ebé maka ita seidauk hasoru.

Ita restaura ita nia Independénsia iha tinan 13 liu ba, aproveita oportunidade bainhira ita hotu hamutuk iha konviviui ida ne'e, hodi agrade se ba Portugal, ho nia esforsu diplomátiku tomak hamutuk ho ita nia determinasaun, ba portugeses sira hotu ne'ebé halo parte hotu iha ita nia kauza ida ne'e, no mós ba paízes maun alin sira seluk CPLP nian, sira hotu ne'ebé fo uluk sira nia apoiu inkondisional hodi nune'e ita bele sente katak ita mós halo parte iha família ida ne'e, ka ita la partilla hamutuk hodi koalia lian ida deit, sentimentu no valor komun.

Ita nia identidade, ne'ebé rezume ita hotu nia sentimentu, fo mai ita atu asume papel hanesan ator prinsipal destinu ita nia povu nian. Ohin loron ita mak sai hanesan

navegador Timor-Leste nian, nune'e maka ita timor oan sai hanesan navegador sira ne'ebé to'o ho karavela ne'eb'e maka foin dadaun ita inaugura, ita timor oan hanesan "mane ne'ebé maka kaer kamudi ro'o ninian"!

Obrigadu ba imi hotu nia prezensa no hau konvida ema hotu atu fó brinde ida ba identidade nasaun timor nian!

Dr. Rui Maria de Araújo
Díli, 27 de novembro de 2015